

---

## KAKIEN ÑAN AOLEPEN JIKIN JERBAL

### KÖMELELE KO

---

#### KÖKKADUDU

Jikuul ko an Kien ilo Salem-Keizer ej kötmene bwe aolep rijikuuļ ro renaaj nuknuk ilo juon wāween eo emman ñan raan in jikuul ak ñan jabdewōt makūtkūt ko an jikuul. Kālet ko an rijikuuļ ikijeen nuknuk raikuj in kautiej köttōpar eo ñan kōjparok jukjukinpād eo me ej koba in elōñ armej kōn kadkad ko kajjojo. Eddo eo jinointata ikijeen wāween an rijikuuļ eo nuknuk epād ippān rijikuuļ eo im maṃa im baba ak rikōjparok eo (ak ro) an. Tijtūriik in an jikuul ej eddoiki lale wāween nuknuk an rijikuuļ bwe en jab kōkkure ājmour ak kōjparok eo an jabdewōt rijikuuļ, im bwe nuknuk ko an rijikuuļ ren jab kōmman mejatoto in nana ñae ak kamijak ko ñan jabdewōt rijikuuļ, im bwe jermal in kakijñeñeļok dress code ak kapilōk in en jab kakijñeñeļok ak kōļapļok an jenolok armej ak kōmman bwe en ettā ļok jabdewōt kurup in armej pedped wōt ioon kumi armej rōt eo ej itok jān e, emman ak kōrā ilo ļotak, kadkad emman ak kōrā ilo kōļmānļokjen, emman ak kōrā ilo an kwaļok jān e make, aitōl emman ak kōrā, kurup in armej rōt, tōmak, manit, joñan jāan an aolepen riṃweo, im ak jekjekin ak joñan ānbwinnin. Jabdewōt mo ko ñan wāween an juon rijikuuļ nuknuk aikuj in ekkar ñan jipañ tarlep in köttōpar ko an jeļāļokjen ko an jikuul im aikuj in kōmelele ilowaan dress code ak kapilōk in.

#### KÖMELELE KO

**Katak eo Jinointata: Jet baat in ānbwinnin rijikuuļ raikuj in kalibobo aolep iien.**

Nuknuk ko raikuj in ekkōṃak ilo juon wāween eo me ej kōmman bwe en kalibobo aolepen koko im pipi ko, pid ko, tūttūt ko, im bōran tūttūt ko kōn nuknuk emijel. Aolep men ko rej ellaajrak ilo ṃweñan ko an “aikuj ekkōṃak” im “maroñ ekkōṃak” itulaļ raikuj in ļoore katak in jinointata.

**Rijikuuļ ro Raikuj Ekkōṃak\*, ilo aer ļoore katak eo jinointata itulōñ:**

- Juon jōōt (eo ewor an nuknuk itumaan, itulik, im ilo jait ko ruo jimor iumwin medwañ ko), IM
- Jedṃujij ko/talim ko ak ko me ejja kain kan wōt (ñan waanjoñak, likko, jedṃujij in kōmmenokadudu ak sweatpant ko, aitokne ak legging ko, ak japidto ak ṃumu ak jokankan ak dress ak kadune ko), IM
- Juuj ko.

*\*Kilaaj ko me rej kobaik wāween nuknuk ko ñan ṃōttan katak ko (ñan waanjoñak, nuknuk in jermal ilo opij, kōnono ilo lṃbwilej, im pojak ñan jermal ko) emaroñ in kobaik nuknuk ko rōkkar ñan katak ko, bōtaab raikuj in jab pedped wōt ilo juon wāween kalibobo ānbwin ak kōmmejajaik wāween juon wōt nuknuk an juon manit. Menin aikuj ko bwe en wor juuj ko rōkkar ñan makūtkūt ko an jikuul remālim (ñan waanjoñak, juuj in ikkure ko ñan PE).*

**Rijikuuļ Remaroñ Ekkōṃak, toon wōt an men kein jab kōkkure katak eo jinointata itulōñ:**

- At ko rej jit maanļok ak kajjimwe aer jit likļok. At ko raikuj in kōmman bwe en waļok mejān armej eo ñan rijermal ro, im jab pinej mejān jabdewōt rijikuuļ ak rijermal.
- Kein kalibobo bar ko (ak bōran) ekkar ñan tōmak ak kabuñ ko.
- Men ko kōṃaki ak kobaik ñan ioon bar ekkar ñan tōmak ak kabuñ.
- Kein kalibobo bar ko an nuknuk sweatshirt ko remālim; ijoke, kein kalibobo bar ko an nuknuk ko remaroñ in jab kalibobo bar ilowaan em.
- Jedṃujij ko emōj kajejjet joñaer ak jekjekier, ekoba legging ko remijel, jedṃujij in yoga ko im “skinny jeans” ak aitokne kankan ko
- Pajama ko ak nuknuk in kiki ko
- Jedṃujij eppotaktak ko, toon wōt an nuknuk ko itulowa (jeromta ak jakkōlkōl) im pid ko jab waļok.
- Jilñij jiddik ko ejjeļok peier ak tank top ko, ekoba spaghetti strap ko; halter top ko
- Nuknuk in ikkure ko
- Waistband ko rewaļok ioon nuknuk itulowa ko ak ewaļok toto ko aer ioon nuknuk ko itulowa ko kōṃaki ilowaan nuknuk ko jet (toon wōt an kōmman ilo juon wāween eo ej jab kōkkure Jāākjen 1 itulōñ).

### **Rijikuuļ ro Reban Ekkōņak:**

- Naan ko ak pija ko renana.
- Nuknuk ko an kumi in gang ro.
- Pija ko ak kajin ko me rej kwaļok kōn uno ko rekajoor ak arkooļ (ak jabdewōt men ko ak maķūtkūt ko remo ilo kakien).
- Jipij in dike doon, naan ko renana, ļōņ.
- Jabdewōt nuknuk ko ak men ko me rej kōnana kwe make iņ/ak ro jet, ekoba naan ko me enana meļeļeir ak rej kōnana armej in laļ ko, ak pija ko rejelet lōņ, naan ko, bōnbōn ko, ak kōņauwe in ļōņ.
- Pija ko ak naan ko me rej kōmman menin illu ak kamijak ilo juon jikin ak mejatoto iņ ej pedped wōt ioon jabdewōt kumi in armej ro repād ilo kōjparok ak kumi in armej ro eiiet uwaer aolep iien.
- Jabdewōt nuknuk ko me rej kwaļok nuknuk ko itulowa (waistband ko rewaļok iņ strap ko rewaļok ekwe remo)
- Nuknuk in tutu ko (ijellōkin wōt ñe ej menin aikuj ilo kilaaj ak iien kammelmel an ikkure an jikuuļ).
- Men dikdik ko rej mōttan kein tōrrejab ak kōņaki me remaroņ in kauwōtata ak remaroņ in jerbal āinwōt jet kein ire ko.
- Jabdewōt men ko rej pinej māj ak ļojilņi ko (ijellōkin wōt ñe ej menin kautiej tōmak eo).

Oktak ko ñan dress code ak kien nuknuk emaroņ in kōmman ilo jekjek eo me ej etale kajjojo keij pedped wōt ioon IEP eo an rijikuuļ eo, 504 ak wāween ekkatak ilo iaio iņ eņjake.

Kapilōk kein an dress code ak kien nuknuk in renaaj bōk jikin ilo raan in jikuuļ ko iņ ilo raan in jikuuļ ko an summer, barāinwōt jabdewōt iien ko iņ maķūtkūt ko an jikuuļ, āinwōt iien kadiwōjļok ko, tanij ko iņ būraam (prom).

### **PEBA KO MŌTTAN**

- INS-M001 – Students Rights and Responsibilities (Bok eo) ak Jiņwe iņ Eddo ko an Rijikuuļ ro

### **MAROŅ EO ÑAN KŌMĀLIMI**

- Level Office Director eo

### **KAJIMWE KO MAANTAK**

- 02/11/2013 – Eņōj kōmālimi Document ko
- 07/31/2019 – Jāākjen ko aolep eņōj kōkāāli
- 09/29/2023 – Jāākjen eo ‘Rijikuuļ ro Reban Ekkōņak’ Eņōj Kōkāāli